

Innuttaasut qimmeqarusuttut malittarisassat pillugit ilisimatinnissaat kiisalu qimmit pitsaanerpaamik qanoq perorsarneqarsinnaanersut paarineqarsinnaanersullu pillugit 2013-p ingerlanerani paasissutissiinissamut qaammarsaanissamullu Naalakkersuisut peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq Justus Hansen, Demokraatit)

pillugu

Aalisarnermut Piniarnermut Nunalerinermullu ataatsimiititaliap

ISUMALIUTISSIISSUTAA

Siunnersuutip aappaassaaneerpeqarnerani saqqummiunneqartoq.

Ataatsimiititaliami suliaqarnermi ilaasortat uku peqataapput:

Inatsisartunut ilaasortaq Aqqaluaq B. Egede, Inuit Ataqtigiit, Siulittaasoq
Inatsisartunut ilaasortaq Jørgen-Ole N. Nielsen, Demokraatit, Siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Finn Karlsen, Siumut
Inatsisartunut ilaasortaq Hans Enoksen, Siumut
Inatsisartunut ilaasortaq Karl Lyberth, Siumut

UKA 2012-imi ulloq 17. oktober 2012 siullermeerereernerup kingorna siunnersuut Ataatsimiititaliap misissorpaa.

1. Siunnersuutip imaa aamma siunertaa

Inuit amerlavallaat qimmiutillit qimmeqarneq pillugu, qimmit perorsarneqarnerat, paarineqarnerat isumassorneqarnerallu pillugit ajoraluartumik annikippallaamik ilisimasaqarnerat siunnersuuteqartup siunnersuutimini tunngavilersuutigaa.

Taamaattumik paasissutissiissusiortoqarnissaa aaqqiissutaasinnaasutut siunnersuutigineqarpoq, qimmiuteqalertussarlu qimmeqarnermi malittarisassat suut atuunnersut pillugit, kiisalu

qimmimik perorsaaneq, paarsineq atugarissaartitsinerlu qanoq pitsaanerpaamik qulakkeerneqarsinnaanersoq pillugu ilisimasaqarnissamut paasititsiniaaneq ingerlanneqassaaq.

2. Siunnersuutip Inatsisartuni siullermeerneqarnera

Inuit Ataqtigiit siunnersuut tapersorsorpaat. **Siumumit** siunnersuut akuersaarneqarpoq, kiisalu atuagaaqqat/allagartat aamma nittartakkani assigiinngitsuni paasissutissat atorlugit paasititsiniaarnermik suliaqarnissamut Naalakkersuisut pilersaarnerat tusaatissatut tigullugu. Qimmeqarneq pillugu tamatumani malittarisat atuuttut pillugit innuttaasut ilisimasaasa annertunerulernissaannut paasititsiniaanermi atortussanik suliaqarnissaq pillugu siunnersuummut Naalakkersuisut akuersaarnerat **Demokraatit** nuannaarutigalugu maluginiarpaat.

3. Ataatsimiititaliap siunnersuut pillugu suliaqarnera

Siunnersuuteqartup siunnersuumminut tunngavilersuutaa Ataatsimiititaliap akuersaarpa, siunnersuummilu siunertarineqartut isumaqatigalugit. Taamatuttaaq malittarisassat atuuttut naammammata, kisiannili innuttaasut pineqartoq pillugu ilisimasaat amigarmata, qimmeqarneq pillugu aamma malittarisassat atuuttut pillugit innuttaasut ilisimasaasa siusarneqarnissaat pisariaqartoq Ataatsimiititaliap isumaqataaffigaa. Inatsisiliortoqarnikuuvoq uumasut tamar-mik anniaateqarneq, nappaateqarneq annilaanganerlu akiorniarlugit isumannaatsumik pitsaanerpaamillu illersorneqarnissaat isumaginarlugit qulakkeerinnittoqarniarmat.

Qimmit qimuttuugaluarpata angerlarsimaffimmiluunniit qujagisatut pigineqaraluarpataluunniit pitsaasumik isumagineqassapput. Peqatigitillugulu Ataatsimiititaliap isumaqarluinnarpoq kalaallit qimmii qimuttut piniarnermut aalisarnermullu atatillugu piorsarsimassutsitsinnut pingaaruteqarluinnartumik ilaasut.

4. Siunnersuutip aningaasatigut kingunissai

Siunnersuuteqartup siunnersuutip aningaasatigut kingunissai allassimagai Ataatsimiititaliap maluginiarpa, Naalakkersuisullu paasitsitsiniaanermut immikkut aningaasaliiniannigitsut tusaatissatut tigullugu. Tunngaviliussatut takuneqarsinnaasut malillugit allatut naliliinissamut pissutissaqanngitsoq Ataatsimiititaliap isumaqarpoq.

5. Ataatsimiititaliap inassutai

Naalakkersuisut akissuteqaamminni ilisimatitsipput, paasissutissiissutinut atortussanik filminik tv-kullu takutitassanik akisunerusunik suliarinninnissamut periarfissaqanngitsoq. Siunnersuuteqartoq Ataatsimiititaliamit isumaqatigineqrasinnaavoq, KNR aamma internetsi tassaammata, nuna tamakkerlugu tusagassiutit innuttaasunut pineqartunut sunniinissamut piukkunnarnerpaat aningaasaliissutaareersut iluanni atorneqarsinnaasut.

Taamaallaalli Ataatsimiititaliap oqaatigissavaa, siunnersuutip siullermeerneqarnerani partiit aamma Naalakkersuisut oqaaseqaataat Ataatsimiititaliap inassuteqarnissaanut naammattutut isigineqarmata.

Tamanna tunngavigalugu siunnersuut akuerineqassasoq Ataatsimiititaliap isumaqati-giittup inassutigaa.

Taamatut oqaaseqarluni isumaliutissiissummilu allassimasutut paasinnilluni ataatsimiititaliap siunnersuutit aappassaaniigassanngortippaa.

Aqqaluaq B. Egede,
Siulittaasoq

Jørgen-Ole N. Nielsen,
Siulittaasup tullia

Hans Aronsen

Finn Karlsen

Juliane Henningsen

Hans Enoksen

Karl Lyberth